

TARIKH	JUMAAT, 26 JANUARI 2024
AKHBAR	BERITA HARIAN
TAJUK ARTIKEL	CUEPACS TOLAK KEPUTUSAN MANSUH SKIM PENCEN
M/S	1, 4-5
BIDANG	CIVIL SERVICE
KATA KUNCI	

CUEPACS tolak keputusan mansuh skim pencen

CUEPACS mahu kerajaan mengkaji semula keputusan memansuhkan skim pencen kepada penjawat awam yang baharu dilantik kerana skim gaji ketika ini masih rendah dan caruman KWSP dilihat tidak membantu penjawat awam mempunyai simpanan hari tua yang baik selepas persaraan. Sekiranya kekangan kewangan halang kerajaan meneruskan skim pencen, kesatuan sekerja itu serta beberapa pemimpin politik dan orang ramai menuntut kerajaan mengkaji semula atau memansuhkan pemberian pencen kepada ahli politik terlebih dahulu.

Oleh Mohd Nasaruddin Parzi → Nasional 4, 5

Datuk Dr Adnan Mat
Presiden CUEPACS



Penjawat awam baharu tiada pence

KWSP tak cukup selepas bersara

CUEPACS tolak keputusan kerajaan mansuhkan skim persaraan

Oleh Mohd Nasaruddin Darzi
bhnews@bh.com.my

Kuala Lumpur: Kerajaan tidak sepatutnya memansuhkan skim pencen penjawat awam kerana secara puratanya mereka berkhidmat untuk negara melebihi 30 tahun sebelum layak menerima faedah saraan.

Pendirian itu disuarakan CUEPACS, memandangkan penjawat awam ketika ini kebanyakannya lebih memilih skim berpencen kerana ia dianggap lebih menjamin masa depan selepas persaraan kelak.

* Presidennya, Datuk Dr Adnan Mat, berkata dengan skim gaji yang masih rendah dalam perkhidmatan awam ketika ini, skim caruman Kumpulan Wang Simpanan Pekerja (KWSP) dilihat tidak membantu penjawat awam mempunyai simpanan hari tua yang baik selepas persaraan kelak.

Penjawat awam tetap baharu tidak berpencen



Keratan akhbar BH, semalam.

"Disebabkan itulah kebanyakuan penjawat awam lebih memilih skim pencen kerana ia adalah keistimewaan yang terbaik kepada mereka," katanya dalam satu kenyataan semalam.

Beliau mengulas kenyataan Timbalan Perdana Menteri, Datuk Seri Dr Ahmad Zahid Hamidi, kelmarin bahawa Kabinet bersetuju perijawatan bagi penjawat awam baharu berstatus tetap selepas ini adalah tidak berpencen.

Pada masa sama, Ahmad Zahid berkata, status berpencen golongan itu yang sudah berkhidmat tidak terjejas, manakala kakitangan baru dilantik akan membuat caruman menerusi Kumpulan Wang Simpanan Pekerja (KWSP).

Kerajaan katanya, mengambil keputusan itu selepas melihat bahawa menjelang 2040, jumlah pencen yang terpaksa ditanggung mencecah RM120

billion setahun.

Kaji pencen ahli politik

Adnan berkata, kerajaan juga perlu mengkaji semula pemberian pencen kepada ahli politik sekiranya kekangan kewangan yang menghalang kerajaan untuk meneruskan skim pencen perkhidmatan awam selepas ini.

Ketika ini katanya, ahli politik dipilih menjadi wakil rakyat membabitkan Ahli Parlimen, Ahli Dewan Undangan Negeri (ADUN), termasuk yang dilantik ke jawatan eksekutif seperti EXCO kerajaan negeri, menteri serta timbalan menteri juga layak untuk menerima pencen.

"Pemansuhan pemberian pencen kepada golongan ini terlebih dahulu, langkah yang tepat kerana kebanyakannya mereka berkhidmat sekitar lima tahun sahaja.

"Kumpulan ini bukan sahaja menerima eluan serta peruntukan tinggi ketika berkhidmat malah memiliki pelbagai keistimewaan berbanding penjawat awam yang secara purata berkhidmat lebih 30 tahun."

"Keutamaan kepada kerajaan ketika ini adalah mengkaji bagi kes yang berkhidmat waktu singkat, tetapi menikmati faedah saraan yang agak selesa dan bukannya menyasarkan kepada penjawat awam sahaja," kata-

nya.



Kebanyakan penjawat awam lebih memilih skim pencen berbanding skim caruman KWSP.

(Foto hasan)

ini," katanya.

Dalam pada itu, Adnan berkata, CUEPACS menyambut baik pencerahan diberi Jabatan Perkhidmatan Awam (JPA) bahawa pengambilan secara mandatoris kepada lantikan baharu kelak.

"

"Pandangan CUEPACS je,

"

"Kerajaan sejarnya mengadakan sesi libat urus dengan pihak berkepentingan sebelum terus menetapkan skim caruman KWSP secara mandatoris kepada lantikan baharu kelak.

"Perjawatan tetap masih wujud tetapi dalam tempoh interim ini hanya dilantik sebagai kontrak sebelum dilantik secara tetap menerusi kaedah baharu di bawah Sistem Sarana Perkhidmatan Awam (SSPA) yang akan dimulakan kelak.

"Situasi semasa ini tidak melibatkan lantikan tetap sebelum ini dan tidak seperti kefahaman orang ramai bahawa lantikan baharu kelak hanya diberikan status kontrak sahaja," katanya.

Peruntukan undang-undang sedia ada perlu dipinda

Kuala Lumpur: Peruntukan undang-undang sedia ada perlu dipinda sekiranya kerajaan berhasrat memansuhkan skim pencen untuk penjawat awam tetap yang baru.

Ketua Kluster Politik, Governans dan Perundangan Majlis Profesor Negara (MPN), Profesor Dr Nik Ahmad Kamal Nik Mahmood, berkata ini kerana hak untuk berpencen kakitangan awam adalah termaktub dalam Perkara 147 Perlembagaan Persekutuan serta Akta Pencen 1980 (Akta 227).

"Kalau perlu (untuk mansuhkan skim pencen), maka kena pinda Perkara 147 itu. Kalau Perkara 147 menetapkan mereka mesti menikmati pencen, maka kena pinda kalau mahu ubah hak pencen itu. Juga kepada akta persaraan atau pencen lain yang mesti dipinda."

"Dia mudah sahaja, ikut kepada peruntukan Perlembagaan. Kalau tidak ada syarat penjawat awam untuk mendapatkan pencen, maka pencen itu bukan satu

hak kepada mereka.

"Cuma yang ditetapkan di bawah akta pencen sekarang adalah berkaitan kawal selia pencen. Apa yang penting adalah kontrak lantikan, surat lantikan itu sama ada mereka berhak atau tidak (mendapat pencen)," katanya.

Komitmen kerajaan itu bagaimanapun ditolak Kongres Kesatuan Pekerja-Pekerja Di Dalam Perkhidmatan Awam (CUEPACS) yang turut menggesa pemansuhan itu seharusnya dilaksanajab kepada lantikan politik khususnya wakil rakyat, menteri serta timbalan menteri.

Di bawah Perlembagaan Persekutuan, pencen adalah tanggungjawab Kerajaan Persekutuan seperti mana ditetapkan di bawah Perkara 74 Jadual Kesembilan, Senarai I, Para 6(d) Senarai Persekutuan. Perlindungan hak pencen pula termaktub di bawah Perkara 147 Perlembagaan Persekutuan.

Dalam pada itu, Nik Ahmad Kamal berkata, kerajaan boleh

menyediakan tawaran lebih baik kepada penjawat awam baharu untuk menikmati dana persaraan lebih lumayan, jika usaha memansuhkan skim berpencen kerajaan kepada golongan itu mahu tetap dilaksanakan.

Katanya, ini termasuk metapkan caruman kerajaan untuk Kumpulan Wang Simpanan Pekerja (KWSP) pada kadar lebih tinggi berbanding

yang dinikmati pekerja swasta, sebagai usaha menarik minat orang muda menyertai

perkhidmatan awam.

• Kalau perlu (untuk mansuhkan skim pencen), maka kena pinda Perkara 147 itu. Kalau Perkara 147 menetapkan mereka mesti menikmati pencen, maka kena pinda kalau mahu ubah hak pencen itu

Nik Ahmad Kamal Nik Mahmood,
Ketua Kluster Politik, Governans dan Perundangan Majlis Profesor Negara (MPN)



banding pekerja swasta.

"Akta KWSP meletakkan syarat minimum caruman daripada pekerja dan majikan. Tetapi kalau untuk satu bentuk tarikan kepada mereka yang mahu jadi penjawat awam, mungkin caruman majikan atau dari kerajaan ini boleh dinaikkan lagi."

"Kerajaan bayar caruman lebih tinggi berbanding kadar yang dinikmati oleh pekerja swasta. Jadi apabila seseorang itu pencen, maka dia akan dapat bayaran pencen lebih tinggi ber-

"Kalau kita lihat dalam belanjawan tahunan, setiap tahun 31.5 peratus daripada perbelanjaan Kerajaan Pusat diperuntukan untuk emolumen. Peratusan ini meningkat sedikit demi sedikit dari tahun ke tahun.

"Kalau dilihat Belanjawan 2024, dianggarkan kerajaan akan berbelanja RM95.64 bilion untuk emolumen sahaja," katanya.

Syor pemansuhan dimulakan kepada menteri terlebih dulu

Tindakan didakwa tidak memberi keadilan kepada kakitangan kerajaan

Oleh Rohaniza Idris, Mohamed Farid Noh dan Amir Mamat
bhnews@bh.com.my

Kuala Lumpur: Pelbagai lapisan pemimpin meminta cadangan pemansuhan pence penjawat awam tetap baharu dipertimbang semula dan seeloknya dimulakan di peringkat menteri jika kerajaan bertegas mahu melaksanakannya.

Di Jasin, Ketua Pemuda UMNO, Dr Muhamad Akmal Saleh, berkata pemansuhan pence penjawat awam yang dimulakan dengan wakil rakyat sebelum diperluas kepada penjawat awam.

Katanya, semua pihak memahami tekanan kewangan ditanggung kerajaan ketika ini.

"Tidak adil jika kita mansuhkan pence penjawat awam tetapi wakil rakyat kekal dapat pence sehingga mati."

"Jangan ada dua darjah antara wakil rakyat dan rakyat," katanya, di sini semalam.

Dr Muhamad Akmal berkata,

pihaknya percaya atas prinsip kepimpinan melalui teladan.

"Mohon cadangan ini diambil kira dan dipersejui semua wakil rakyat sama ada daripada kerajaan atau pembangkang.

"Saya akan bawa isu ini ke Mesyuarat Majlis Kerja Tertinggi (MKT) UMNO malam esok (ini)," katanya.

Kelman, Timbalan Perdana Menteri, Datuk Seri Dr Ahmad Zahid Hamidi, berkata Kabinet bersetuju perjawatan bagi kakitangan awam baharu berstatus tetap selepas ini tidak berpence.

Status berpence penjawat awam tetap sedia ada tidak terjejas, manakala yang baharu akan membuat caruman menerusi Kumpulan Wang Simpanan Perkerja (KWSP).

Di Johor Bahru, Ketua Pemuda MCA, Ling Tian Soon, turut senada menyarankan wakil rakyat dan menteri mendahului serta mengguna pakai inisiatif pemansuhan skim pence yang mahu dilaksanakan kerajaan.

Katanya, wakil rakyat dan menteri perlu menjadi contoh dan berada di barisan hadapan.



Muhamad Akmal

Ling Tian Soon

Berikut itu, beliau yang juga Pengurusan Kesihatan dan Perpaduan Johor, memohon kerajaan mengkaji semula dasar berkenaan.

"Memang benar beban kewangan kerajaan berat, tetapi janganlah sesekali menjolok rakyat ke depan dalam isu pence ini."

"Tambahnya pula, sektor kesihatan kita mengalami kekurangan kakitangan seperti doktor dan jururawat yang serius, jadi isu ini akan semakin teruk sekiranya rakyat tidak mahu berkhidmat dengan kerajaan dibebaskan pemansuhan pence dan tawaran kontrak," katanya.

Usah jejas sektor awam

Sementara itu, Pengurusi Perikatan Nasional (PN), Tan Sri Muhyiddin Yassin, menegaskan sebarang dasar baharu pelantikan penjawat awam perlu dilakukan berhati-hati supaya tidak menjasaskan sektor perkhidmatan awam.

Beliau berkata, isu bayaran pence penjawat awam yang meningkatkan tanggungan fiskal

negara sudah berlarutan sejak sekian lama dan memerlukan peryelesaian tuntas.

Katanya, penyelesaian yang ingin dilaksanakan kerajaan tidak boleh menjurus kepada pengbaian kebijakan penjawat awam.

"Langkah itu juga tidak boleh mengelakkan saiz perkhidmatan awam tanpa mengambil kira keperluan penyampaian perkhidmatan kepada rakyat secara cekap, meluas dan berkesan di seluruh negara.

"Sebahagian besar daripada 1.6 juta kakitangan awam ketika ini mengisi sektor penting dan kritis seperti keselamatan, kesihatan dan pendidikan," katanya dalam kenyataan, semalam.

Muhyiddin berkata, penjawat awam adalah tunjang keupayaan negara yang penting ketika negara menghadapi krisis.

"Kita pastinya masih ingat ketika wabak COVID-19 melanda negara, penjawat awam terutama dalam sektor kesihatan dan keselamatan menjadi petugas barisan hadapan yang penting dalam usaha melawan wabak itu."

"Kalau kita kekurangan doktor, jururawat, polis, tentera, guru, penguat kuasa, kakitangan pertahanan awam dan lain-lain jabatan berkaitan, setiap keputusan dan langkah diputuskan di Putrajaya belum tentu dapat dilaksanakan dengan menyeluruh dan berkesan," katanya.

70 peratus responden tidak setuju

Kuala Lumpur: Pengumuman perjawatan penjawat awam baharu berstatus tetap tidak berpence selepas ini, tidak dipersejui kebanyakannya pengguna dalam maklum balas undian akbar ini.

Berdasarkan undian di akaun Facebook Berita Harian Online, sebanyak 70 peratus daripada lebih 8,100 responden yang mengambil bahagian tidak bersetuju dengan cadangan itu.

Hanya 22 peratus bersetuju dengan langkah itu, manakala sembilan peratus mempunyai cadangan lain.

Dari platform X, sebanyak 40 peratus daripada 123 responden berpendapat skim pence tidak wajar dimansuhkan, manakala 54 peratus bersetuju dan enam peratus mempunyai cadangan lain.

Hasil tinjauan itu diperoleh selepas empat jam ia dimuat

baik sejak jam 11 pagi semalam.

Menerusi ruangan komen, pengguna Facebook, Amina Latif, berkata dengan gaji yang tidak begitu tinggi ditawarkan di sektor awam, besar kemungkinan ramai akan beralih ke sektor swasta yang menawarkan gaji lebih tinggi dan kemudahan sama seperti penjawat awam.

Norihai Sanusi pula bimbang langkah itu akan memberi kesan kepada sektor kesihatan.

"Populasi rakyat meningkat, saiz perkhidmatan awam dikecilkan, pence dimansuhkan. Sektor kesihatan akan menghadapi masalah," katanya.

Sementara itu, Mohamad Hisyam yang juga seorang kakitangan swasta, turut berasaskan langkah itu tidak adil kepada penjawat awam.

"Harap kerajaan tolong perimbangkan semula. Banyak perkara lagi yang boleh mengu-

rangkan beban kewangan negara. Menteri Ekonomi harus fikir cara untuk menampung beban kewangan negara.

"Hargailah penjawat awam yang bekerja untuk negara walaupun gred gaji di paras yang rendah kerana di dalam sektor awam ramai Bumiputera, justeru kerajaan harus membantu," katanya.

Ramai pengguna Facebook juga mencadangkan supaya pemansuhan pence itu dilaksanakan di peringkat menteri dan wakil rakyat.

Mustafa Jamil berkata, pemansuhan pence wakil rakyat akan membawa lebih keperayaan rakyat kepada Kerajaan MADANI.

Man Din pula berkata, jumlah pence untuk penjawat awam tidak banyak jika dibandingkan dengan pembaziran yang dilakukan ahli politik.

"Mansuh pence dan potong

elaun menteri, timbalan menteri, Ahli Parlimen dan seangkatan dengannya. Kalau nak kita, pence penjawat awam tidak banyak berbanding pembaziran ahli politik," katanya.

Bagi Shazrina Ishak, langkah itu tidak seharusnya dilaksanakan kepada rakyat bawahan.

"Contoh melalui teladan harus diperlakukan. Kesejahteraan negara dan rakyat bukan hanya dinilai dari segi beban kewangan terhadap kerajaan semata-mata.

"Dahulukanlah apa mahunya rakyat, bukan pemimpin. Tidak wujud negara tanpa rakyat, tidak wujud pemimpin tanpa rakyat juga," katanya.

Kelman, Timbalan Perdana Menteri, Datuk Seri Dr Ahmad Zahid Hamidi, berkata Kabinet bersetuju perjawatan bagi penjawat awam baharu berstatus tetap selepas ini adalah tidak berpence.

Kerajaan perlu beri penjelasan kepada doktor kontrak

Kuala Lumpur: Kerajaan perlu menjelaskan secara terperinci mengenai pelaksanaan sistem kontrak baharu membabitkan penjawat awam, khususnya kepada golongan doktor kontrak di negara ini.

Gesaan itu disuarakan Gerakan Hartal Doktor Kontrak (HDK) yang membangkitkan beberapa persoalan susulan pelaksanaan sistem kontrak baharu itu, berkuat kuasa 1 Februari ini, khususnya dalam aspek kenaikan tangga gaji dan tempoh kontrak.

Menurut HDK, sistem kontrak baharu itu yang diumumkan Selasa lalu, hanya tinggal seminggu lagi untuk dilaksanakan, namun sehingga kini masih tiada perincian diberikan kepada mereka yang bakal terbabit dalam skim berkenaan.

"Pengumuman sudah dibuat tetapi perancangan masih belum diketahui. Jika setelah ini tiada perjawatan tetap, bagaimana sistem kontrak ini dilaksanakan?"

"Selama ini, jumlah kontrak adalah 7 tahun (3+2+2) sebelum pegawai ditamatkan perkhidmatan, adakah jumlah ini masih kekal?"

"Jika selama ini pegawai kontrak dilanjutkan kontrak selama empat tahun untuk kepakaran, bagaimana selepas ini?"

"Dengan tiada perjawatan tetap selepas ini, bagaimana pula dengan kenaikan tangga gaji? Adakah akan terhenti di tangga UD43 seperti sekarang?"

"Jika tiada perjawatan tetap, adakah pegawai perubatan yang tamat pengajian kepakaran juga berstatus kontrak?" katanya melalui aplikasi X.

Sebelum ini, kerajaan mengumumkan akan melaksanakan pemambilan penjawat awam secara lantikan kontrak sehingga inisiatif kaedah lantikan baharu diprakarsai bagi mengukuhkan lagi sistem saraan perkhidmatan awam di negara ini.

Ketika tni, inisiatif kaedah baharu itu dalam fasa pindaan kepada undang-undang berkaitan, juga dilihat mampu mengurangkan tanggungan fiskal negara dalam tempoh jangka masa panjang.

Pada masa sama, menurut HDK, mereka tiada masalah dengan sistem kontrak baharu itu kerana percaya ia dilakukan untuk memperkasakan sistem saraan perkhidmatan awam pada masa depan.

Namun katanya, kerajaan perlu memperincikan pelaksanaannya supaya golongan penjawat awam khususnya doktor yang bakal terbabit dalam sistem itu lebih jelas mengenai kedudukan mereka.